

բում և գեղեցիկ 'ի մէջ որդւոց մարդկան :

Հրեշտակք Արգարու եկեալ հասին առ Մարինոս զօրավար Հռովմայեցւոց յԵլեւթիրուպօլիս , և նորա ընկալեալ զնոսա խաղաղութեամբ՝ խօսեցաւ բանս բարիս , եւ արար պատասխանի բանիցն Արգարու չկասկածիլ 'ի կայսերէ : Եւ նոցա դարձ արարեալ անտի , ելին յերուսաղէմ տեսանել զՅիսուս , զի լուեալ իսկ էին զհամբաւ սքանչելեացն՝ զոր առնէր 'ի վերայ հիւանդաց եւ ցաւագնելոց , և ականատես լեալ՝ պատմեցին Արգարու 'ի դարձի իւրեանց . ընդ որ զարմացեալ նորա՝ հաւատաց ճմարտապէս իբր արդարեւ Որդի Աստուծոյ . եւ թէ այն զօրութիւնք Աստուծոյ են եւ ոչ մարդոյ : Եւ քանզի ասլականեալ էր մարմին նորա 'ի չար ցաւոց ուրկութեան , պատահեալ նմա յաշխարհն Պարսից , ետ տանել առ նա թուղթ աղաչանաց գալ եւ բժշկել զնա 'ի ցաւոցն : Տես Սորենացի . Հատ . Բ . Պրակ . 29 :

Հասեալ հրեշտակացն Արգարու՝ յաւուր մտանելոյ Փըրկչին յերուսաղէմ , մատուցին առ նա զթուղթն . վկայեայսմ և Աւետարանական բանն . « Էին անդ ոմանք և հեթանոսք յԵլելոց անդր , զի երկիրպագանիցեն 'ի տօնին » : Եւ ընթերցեալ Յիսուսի զթուղթն , հրամայեաց Թովմայի առաքելոյ գրել առ նա պատասխանի : Տես Սորենացի՝ անդ :

Չայս թուղթ երեր Անանէ հաւատարիմն Արգարու , և ընդ նմին զանձեռագործ պատկեր Փրկչին 'ի դաստառակին , որ եկաց 'ի քաղաքն Եդեսեսայ մինչեւ 'ի ժամանակս Նիկիոսի կայսեր Յունաց , որ 'ի ձեռն Արրահամու մեդրապօլտին ետ տանել 'ի Կոստանդինուպօլիս , որպէս պատմէ Վարդան :

Իսկ Փրկիչն մեր Յիսուս , քարոզէր և ուսուցանէր ըզժողովուրդս աստուածային վարդապետութեամբ , ընդ մաքսաւորս և ընդ մեղաւորս նստէր և ուտէր , զի անցէ զնոսա յուղղութիւն , այլ ոչ հաւատային նմա խստասիրտ Հրէայքն՝ զկծեցան և գրգռեցան բազում անդամ դարան դործեալ , և զկնի յարութեան Ղազարու սահմանեցին յիւրեանս սպանանել զնա : Այլ Յիսուս չոգաւ յերուսաղէմ 'ի վերջին Պասեքատօնին , յայտնապէս խօսելով զմահուանէն